



kat.komp.

4956

I

Mon. St. Dr.

P

*Strazga Alberti: Lugubris lacrimis fanebris  
elego conceptus<sup>us</sup> et a feralium d. jacobi  
Gyorki exhibitus. Crac. 1652.*

PANEG. et VITAE

Polon. 4.

№ 2721



Biblioteka Jagiellońska



stdr0004911



LVGVBRIS  
LESSVS

Funebri Elego conceptus,

ET

4956. d.

Ad Feralem Vrnam

*Perillustis, Magnifici, & Admodum Rñdi. Dñi.*

D. JACOBI GORSKI

I. V. DOCTORIS & PROFESSORIS,

Ecclesiæ Cathedralis Cracouiē: CANONICI,

Sanctorum Omnium CVSTODIS,

PROTONOTARII APOSTOLICI, &c. &c.

Almæ Academiæ Cracouiensis

DIGNISSIMI

R E C T O R I S,

D V M

In Ecclesiâ Collegiatâ SS. Omnium

TVMVLARETVR,

A M. ALBERTO STRAZYC

EXHIBITVS.

Anno Salutis 1652, Martij 25.

336.

C R A C O V I Æ,

Apud Lucam Kupisz S.R.M. & Academiæ Typ.



PERILLVSTRI, CLARISSIMO & ADM: RNDº D.

D. STANISLAO ROZYCKI,

J. V. Doctori & Professori, Ecclesiæ Collegiatæ  
SS. Omnium Cancellario, &c. &c.

PERILLVSTRIS olim MAGNIFICI & AD. R. D.

D. I A C O B I G O R S K I,

J. V. Doctoris ac Professoris, Ecclesiæ Cathedralis  
Cracouiensis Canonici, &c. &c.

Almæ Vniuersitatis Cracouiensis RECTORIS,

S V P R E M Æ V O L V N T A T I S  
E X E C V T O R I.

*Domino & Patrono Amplissimo, salutem, & perennem  
Felicitatem.*

*C*ultor & Antistes sacrarum Maxime Legum,  
Et benè veridici Primus in arte Fori.

*Qui sortem anteuenis meritis, virtutibus annos:*

*Partaq; per nostros Sceptra tueris Auos.*

*Accipe perfacilis nostris Patrone Camænis,*

*Edita funereis carmina mæsta modis.*

*Atra quidem: deslet quoniam noua funera Musa:*

*Illæ Tibi posthac candidiora feret.*

*Candidiora feret Iuris Doctissime Custos:*

*Nec dubites, tantum Celsus honore vige.*

*Celsus honore vige, longâ Dignissime vitâ:*

*Vique diu vigeas, sit Tibi vitæ; Vale.*



4956 I.





# E L E G I A

**O** Curas hominum ! ô quantū est in rebus inane !  
Quām proprium vergunt omnia ad exitium !  
Eheu ! quām rapido grandes Fortuna rotatu  
Spes hominum versat ! quām furibunda rapit.  
Æternū nihil, heu nihil est firmūq; potensq; !  
Phœbi pennatos cuncta sequuntur equos.  
Omnia prætereunt, Fati trudentur in ictum :  
Hæc Libitina ferox ; tempus at illa metit.  
Dic vbi Mausoli diues fortuna sepulchri ?  
Pyramides, Circi ? dic vbi regna ? iacent.  
Dic vbi Scipiadae, Fabij, fortesq; Camilli ?  
Dic vbi Aristoteles, Pythagorasq; iacent,  
Mortales rapimur, simul & Capitolia & Arcus,  
Et Thermæ, & Circi, pegmata, regna, Duces.  
Indocti doctis, Reges sociamur egenis :  
Quosq; status nequijt Mors facit vna pares.  
Et scelus, & pietas tumulo tumultantur in vno :  
Nil candor, virtus, simplicitasq; valent.  
Creditis his Lechicæ sapientia corda Stagiræ ?  
Credite Iagelonæ Turba verenda Scholæ.



Quem nuper Cracijs Patrem spectâstis in oris;  
Occidit! ad Superos noster abiuit Atlas.  
Corruit admissis Turris fortissima telis  
Mortis, pullatæ præda petita neci.  
Illa Viri facies canis pretiosa capillis,  
Ille Viri splendor, vox generosa, caput,  
Quæ nuper Lechicum prudenti mente Lycæum  
Mulcebant, inter corpora muta iacent.  
Et sine voce iacent: filuit facundia linguæ:  
Quæ poterat blandis saxa mouere sonis.  
Quæ poterat gelidas orando ducere sylvas;  
Non poterat Stygias flectere voce Deas.  
O dolor! ô rigidi inclementia ferrea Fati!  
O fallax, rapidum, vita caduca bonum!  
Quàm citò nos cursu præpes dimittis in ipso?  
Quàm citò præcipiti cogeris ire gradu?  
Quàm citò funestus Fato maectaris iniquo!  
Quàm citò Dux Stœæ, luxque decusque cadis?  
Vix Te magnanimos surgentem vidit in ausus  
Orbis, & Aëtori Scena peracta Tibi est.  
Vix Cracijs iussum paulum splendescere Sceptris;  
Illicò Te nobis trux Libitina rapit.  
Vix permissa Tuis patuit brevis area gestis,  
Occidis: hic vitæ debuit esse modus?  
Quid Tibi profuit ingenuam coluisse Minervam?  
Quid studijs vitæ lustra dedisse Tuæ?

Dumq;



Dumque manu voluis leges, iterumque reuoluis  
 Insomnem nocti continuasse diem.  
 Quid per Sarmaticas doctè tenuisse Cathedras?  
 Aut apud attonitos differuisse viros?  
 Theophili chartas, voluisse volumina Baldi?  
 Quid fuit & lites composuisse nouas?  
 I nunc, tolle animos, doctos Tibi finge triumphos:  
 Stantiaque in plausus tota Lycæa tuos.  
 Dura æumnosæ perfer contagia curæ:  
 Multa sub angusto pectore damna foue:  
 Vt pueris placeas, vt declamatio fias:  
 Quilibet & de Te possit vt esse loquax.  
 Tu quoque (transactos Lachesis numerauerit annos)  
 Præceps Lethæa cogeris ire rate.  
 Crudeles Superi, crudelia sydera cæli:  
 (Parcite, sollicitat dicere tanta dolor)  
 Bruta salutiferam extendunt in sæcula vitam;  
 Nostra refert paruam quid nisi vita moram  
 Narcissus curuis fuerit cum cæsus ab armis;  
 Exerit è tepidâ molle cacumen humo.  
 Frigida purpureum rapuit cum bruma decorem,  
 Ver reddit, medias Sole renente vias.  
 Alipedes ponto, postquam deduxit, Ibero  
 Phœbus, ab Hesperijs pulchrior exit aquis.  
 Cum cecidit caro nobis cum lumine vita;  
 Urget perpetuus corpora nostra sopor.



Improba Mors nimium, nimiumque cruenta, decebat  
A tanto dextras abstinuisse viro.

Improba Mors cunctis assueta nocere disertis,  
Debueras tanto non nocuisse viro.

Stamina debueras dextrâ impendisse benignâ,  
Non præcisa huius surripuisse colo.

Dignus erat Pylij transcendere Nestoris annos:  
Dignus Mygdonij ducere sæcla senis.

Dignus Cumææ decurrere lustra Sibyllæ.

Dignus in æternas viuere Olympiadas:  
Non ille Aonias studuit placuisse per artes,

Frondibus & sacras implicuisse comas:

Vt de marmorei prodiret limine tecti,

Inclytus Attalicâ, conspicuusque togâ.  
Non vt Dalmatico clarus ditesceret auro:

Quodque metallifero profluit amne Tago.  
Non vt seruitium vasti contingeret orbis:

Multus & à dextris verna cliensque foret:  
Ast bona sydereo cumularet gaudia cœlo.

Quotquot (dispereant) hoc sine fine student.  
Nam mihi quid prodest pondus prædiurtis arcæ?

Aût quæ de Hesperio littore concha venit.  
Quid Cœæ vestes? radians quid purpura, & ostrum?

Aût Porphyriacis ebria lana vadis.

Quid telluris opes, flauisque fodina Coralli?

Milleque si findant Gargara, Bactra, boues.



Nil iuuat auratis nixum splendescere gazis,  
Est cura Empyreï si mihi nulla Patris.  
Crudelis Clotho, non te reuerentia magni  
Numinis inflexit, non speciosus amor.  
Non grauitas oris, vultus sincera venustas:  
Non cum grandiloquo verba remissa sono.  
Iustinianæ prædulcis non copia linguæ:  
Alciatiquæ canens lingua diserta melos.  
Non dulcedo, sales, blandi Charitumque lepores:  
Mentis diuitiæ, non sine felle ioci.  
Inuida Mors, heu Mors! rapuisti Gaudia nostra:  
Gaudia sub gelido contumelanda solo.  
Dilectum Phœbo pectus, Superumque Parenti:  
Dilectum Craciæ, Lechiadisque Ducem.  
Quem non Phœbæas comitata superbia lauros,  
Altiùs elato fecit abire gradu.  
Non inflauit Honor, vitium solenne disertis:  
Illius aut nimius sollicitauit amor.  
Pulchra serenato iacuit sed Gratia vultu:  
Quæ traheret mentes cum probitate pias.  
Heu diram Lachesi, tantis virtutibus aucto,  
Quæ indoluit pensum lentius ire suum!  
Hicet atratis Mors Te mandauerit umbris,  
Non premet æternum nomen & illa decus.  
Multa moraturæ detraxit tempora vitæ,  
Detrahet ast laudi non tamen illa Tuæ.



Viuet honos, nomenque Tuum, dum littus arenas,  
 Curuus habebit aquas Vistula, viuet honos.  
 Viuet honos, cœlum stellas, dum robora tellus,  
 Atque ferent p̄ces cœrula, viuet honos.  
 Viuet honos, armata feretur dum ægide Pallas,  
 Illustris Musis Cracia, viuet honos.  
 Omnia dispareunt, nihil est, quod duret in æuum,  
 Pectoris exceptis ingenijque bonis.  
 Ingenio, studijsque Tuis post funera viues:  
 Sola subit structos corporis umbra rogos.  
 O vtinam grates aliter persolvere possem,  
 RECTOR Palladij Duxque Salusque chori!  
 Sed iam longæuum semper victure per æuum,  
 Æternum salue, perpetuumque vale.  
 Vos quoque funereas, quotquot prostats, ad aras,  
 Dicite: Sit cineri luxque quiesque pio.

BIBLIOTH. UNIV.



JAGELLONICAE





0  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99





